

# SANCTISS. D.N. SIXTI. PP. V.

## CONSTITVTIO

*Contra illegitimos, legitimatos, criminosos, & reddendis rationibus obnoxios ad aliquam Religionē transire volentes, Et contra Regulares absq̄ Superiorum licentiā de Prouincia in Prouinciam euntes, seu transmigrantes.*



SIXTVS EPISCOPVS SERVVS SERVORVM DEI,

Ad perpetuam rei memoriam



V. M. de omnibus Ecclesiasticis ordinibus in ea qua conuenit puritate, & dignitate conseruandis, præcipuam geramus sollicitudinem, tū verò illud præter cætera nobis cordi est, vt à Regularium personarum Congregationibus, quas tanquam Deo dicatas maxime candor, sanctitasq̄, decet, cuiuscunq̄; criminis aut turpitudinis labes, & scandali occasio quam longissimè arceantur. Siquidè res ipsa nos admonet, quàm indecorum sit; & ab ea, quæ diuinæ Maiestati, eiq̄; consecratis personis debetur, reuerentia, alienum;

si eiusmodi homines, qui propter sua scelera, poenas graues sibi in sæculo propositas timeant, quæ propter immundiciam, & peccata ex quibus orti sunt, notati perpetua ignominia ab omni mūdano honore, & à paterna hæreditate repelluntur, quàm decet honor & sanctitudo, inter ministros Domini, cui seruire regnare est, ad sacrās functiones quacunque profana præminencia multò nobiliores, sine vilo delectu admittantur. Cū etiam secundum legem Moysi, imundi ab ingressu sanctuarij excluderentur, ac sacerdos habens maculam panes Deo suo offerre non posset, nec accedere ad ministerium eius, & quod in holocaustum Domini aut victimam pacificorū offerrebat, id imaculatum esse deberet, vt acceptabile foret, nec vlla macula esset in eo, quod si maculam habuisset, neque offerendum, neque acceptabile futurum esset.

Ne igitur contingat illegitimè genitos, qui vt plurimum parentum vitia & incontinentiā imitari solent, nec pietatis studio, sed temporalium comodorum intuitu, (quia hereditates maiorum aut dignitates aliquas consequi non possunt) ad Religionē confugiunt, vitam quam animo à Religionē susceperant ab institutis Religiosis alienam, plerumque cum dedecore & propriæ salutis dispendio ducere, suisque corruptis moribus, & malis exemplis, quietem & statum cæterorum Deo famulantium perturbare, aut hac quasi facie & colluue ipsarum Religionum honorem, & existimationem lædi; vt deniq̄; homines, qui hac spe ad filios spurios in peccato gignendos essent propensiores, eò magis abstineant ab huiusmodi carnis flagitijs, quò sua proli hoc quoque refugium preclusum viderint: Hac nostra in perpetuum valitura cōstitutione districte interdicens, & prohibemus,

*In Leuiti  
co sepè,  
& .11. Pa  
ralip. 23.  
D.  
Leuit. 21.  
C. & D.  
Leuit. 22  
C. & D.*

bemus, ne illegitimi, procreati ex incestu, aut ex sacrilegio (quorum scilicet Patres con-  
sanguinitate, vel affinitate intra tertium gradum inuicem coniuncti fuerint, vel quorum  
alteruter patris castitatem Deo vouerit) etiam Apostolica, Imperiali, vel Regia, aut  
quauis alia auctoritate, legitima, aut natalibus relictis, ad aliquam quorumcunque or-  
dinum, etiam Mendicantium & non Mendicantium, Fratrum, Monachorum, Eremitarum,  
vel Canoniorum, aut Clericorum regularium Congregationum, aut Hospitalium  
Religionem, neque ad habitum, nec professionem regulares recipi, vel admitti quoquo-  
modo possint. Quod si eorum quispiam habitum post publicationem presentis Consti-  
tutionis in futurum receperit, vel professionem posthac emiseric, decernimus habitus sus-  
ceptionem & professionem ex nunc, prout ex tunc, irritam, nullam & inualidam, nulliusq;  
roboris vel momenti fore, ac nullum exinde, aut ex huiusmodi voto penitus annullato,  
obligationis vinculum oriri posse, quin in illos habitu regulari, ad quem reassumendum  
perpetuo inhabiles sint, quam primum exui, & ab ipsa Religione eici exterminarique  
debere. Et nihilominus quicumque Superiores, tam Monasteriorum, Priuatorum, Præ-  
positurarum, Domorum, Collegiorum, & locorum regularium, quam etiam præfatorum  
ordinum, Congregationum, Hospitalium, & quarumcunque Religionum Prouinciales, vel  
Generales quouis nomine nuncupati, qui ex prædictis incestu, vel sacrilegio genitos post  
dictam publicationem ad habitum receperint, vel ad professionem admiserint, excom-  
municationis sententiam eo ipso incurrant, à qua eorum nemo, nisi in mortis articulo  
constitutus, ab alio quam Romano Pontifice absolutionis beneficium valeat obtinere.

SEDENEIJS, qui in humilitatis Spiritu, Deo, & Religioni seruire, & penitentiam age-  
re intra Monasteria vel domos regulares, cupiunt, ad sanctum huiusmodi propositum  
via penitus præcludatur, permittimus, vt præfati illegitimi, ex dictis incestu, aut sacrile-  
gio geniti ad habitum Conuersorū, seu famulorū in Monasterijs, vel domibus regulari-  
bus seruientium recipiantur, & in ipsis Monasterijs, seu domibus regularibus ad seruilia  
ministeria, viliora obsequia, humiles functiones, atque abiecta seruitia admitti possint,  
ea tamen conditione, vt ad habitum religiosorum, vel ad professionem quam Religiosi  
emittere solent, emittendam, necnon ad omnes non modo sacros, sed etiam minores or-  
dines, vel ad Clericalem characterem, denique ad cuncta Ecclesiastica officia, & functio-  
nes, & ad ascendendum ad altiores gradus sint eis portæ perpetuo clausæ, & cberatæ.

QVOD ad reliquos verò non ex incestu præfato, nec sacrilegio, sed ex quouis alio mi-  
nus legitimo toro natos, spurios, vel naturales, etiam vt præfatur, vel aliis legitimatos,  
qui ob meliorem vitæ frugem, Religionem ingredi cupiunt, statuimus, & ordinamus, eos  
ad Religionem admitti non posse, aut debere, nisi prius illerum vitæ & moribus diligen-  
ter cognitis, & circumstantijs vniuersis, quæ circa idoneitatem personæ attendendæ erunt,  
consideratis, ac de Religionis zelo, pietate, integritate, & doctrina fidedignis testimonijs  
ad eò commendati fuerint, adeò bonam indolem, & specimen virtutis præferant, ac tot  
merita eis suffragentur, vt defectum natalium suppleant, eorumque receptio vniuersæ  
Religioni còmodo, & vtilitati profutura videatur. Et super hoc ipso in Generali vel Pro-  
uinciali Capitulo, matura deliberatione habita, Generalis vel Prouincialis Superioris, ac  
Diffinitorum vnanimi consensu approbati, & ad habitum regularem admisi extiterint,  
& tamen hic recepti ad gradus, honores & dignitates sui ordinis obtineant, perpetuo in-  
habiles, & illorum incapaces remaneant, nisi super hoc cum eis fuerit auctoritate Apo-  
stolica specialiter dispensatum: Si quis autem eorum aliàs quam vt præfatur, recipietur,  
professio similiter nulla sit, atque ipsi habitu priuari, & à Religione eici debeant, eorūq;  
receptores, excommunicatione, vt supra, innodati ipso facto existant.

Cæterum quoniam sæpe se vitia ingerunt, & se esse virtutes mentiuntur, ac multi  
decoctores post dilapidatam rem familiarem, & contractam ingentem vim aeris alieni, aut  
interuersam alienam pecuniam eorum fidei creditam, vt ratiociniam effugiant, alij post  
furta, latrocinia, rapinas, homicidia, alianè facinora patrata, etiam banniti aut damnati,  
seu qui meritas pro suis delictis poenas metuunt, non pia intentione, sed ad euitandam le-  
gum & iudiciorum seueritatem, quia tuto in sæculo vivere nõ possunt, tunc demum qua-  
runt à Religione auxilium, quando aliunde illud non sperant, vnde sub habitu, & nomi-  
ne Religiosorum, animum Religionis inimicum & inueterata vitia retinent, neq; alios, qui  
sancta vocatione vocati sunt, patiuntur tranquillè diuinis obsequijs insistere, in grauem  
Dei offensam; Religionis opprobrium, & scandalum plurimorum: vt his quoq; subterfu-  
gij & impunitatis spes omnis tollatur, auctoritate Apostolica, & tenore presentium, etiã  
perpetuò statuimus, & ordinamus, iuuenes, aut viros adultos, maiores sexdecim annis, nõ  
aliter in aliquam Religionem recipi posse, nec debere, nisi prius de eorum parentibus,  
patria,

patria, deq; anteaſta vita, & moribus diligenter inquiratur, & ex accurata informatione, & ſid digna relatione compertum & exploratum ſit, eos neque aliquorum criminum, qualia ſunt homicidia, furta, latrocinia, vel alia ſimilia aut grauiora, reos vel ſuſpectos exiſtere, vt propterea damnati ſint, aut ne damnentur formident, neque ingenti are alie no ſupra vires facultatum ſuarum grauatos, vel reddendis ratiocinijs ſita obnoxios, vt ex huiusmodi cauſa, liſ, vel moleſtia eis iam illata, vel timendum ſit ne inferatur: Niſi deniq; conſtet, ipſos nō humana aliqua ratione, ſed tantum deuotionis, & pietatis feruore, vitam Religioſam ſpontē, & ex animo elegiſſe: Deque his omnibus in Generali, vel Prouinciali Capitulo plena, & indubitata fide facta, tam Superioris generalis, ſeu Prouincialis, quā Diffinitorum cōſenſu approbati, & ad habitum regularem admiſiſi fuerint. Omnes autē, & quoſcunq; vt dictum, eſt criminoſos vel ſuſpectos, aut arialieno, vt etiam diximus, vel rationibus reddendis obligatos, ad Religionem perpetuo inhabiles declaramus. Etſi qui eorum contra præſentem noſtram conſtitutionē temerē ad mittētur, tã ſuſceptionē habitus, quā profeſſionem, & inde ſecuta, ex nunc, prout ex tunc pari modo irritamus, & annullamus, viribusq; & effectu carere decernimus: ac iubemus, eos qui ſic de facto recepti erunt, habitu ſpoliari, & à Religionē expelli: & nihilo minus ſi expulſi non fuerint, volumus, & pariter declaramus habitus ſuſceptionem, & profeſſionem penitus nullam eſſe & cenſeri, ac propterea attentata nullitate habitus & profeſſionis, licere quibuſcūque Iudicibus, & Curijs etiam ſæcularibus, ad quos, ſeu quas ſpectat contra eos, vt priuſuris & facti remedijs opportunis, ex officio, vel ad cuiuſcunq; inſtantiam, vel querelā ciuilitate, criminalitate, aut mixtım procedere. Quare volumus, vt cuiuſque iuuenis, aut viri maioris xvj. annis à ſæculo ad Religionem tranſeuntis, approbato, admiſſio, & receptio in Generali vel Prouinciali Capitulo, vt ſupra ordinatum eſt, pro tempore ſiant, nec nō Religioſi ſic recepti nomen, & cognomen, quibus in ſæculo vretatur, & patria in actis ipſius Capituli deſcribantur, & notentur. Et inſuper quoſcunq; Religioſos, eorumq; Superiores, qui aliquas perſonas, vt dictum eſt, inhabiles poſt hanc Conſtitutionem publicatam receperint, voce actiua & paſſiua, nec non officijs, gradibus, honoribus, & dignitatibus quibuſcunq; per eos obtentis eo ipſo in perpetuum priuamus, & tam illis priuatos, quā ad illa, & alia quæcunq; in poſterum obtinenda perpetuo inhabiles, eorūque incapaces decernimus, & declaramus.

SE D, & quia interdum Satanas in Angelum lucis ſe callidē tranſfiguratur, ac perditū quidam, & facinoroſi homines, quod ſæpē vidimus & experti ſumus, inſtigante antiquo Pacis & Religionis hoſte, non veriti ſunt temerario auſu habitum Religioſorum aſſumere, ea mente, vt veluti ſub ouina pelle lupi rapaces, per dolum, & inſidias Chriſtifideles incautos, & nihil malū à Religionis ſuſpicantes opprimerent, ſiue vt poſt ſæclera perpetrata, viam faciliorem ad fugam haberent, ſiue vt banniti Curie ſæcularis, quæ eos prope modum interceptos perſequebatur, manus effagerent, & contigit aliquando ipſos Sicarios, Religioſis veſtibibus indutos, à veris Religioſis hac fraude deceptis, intra domos Regulares hoſpitiū receptos fuiſſe, Prohibemus eodem modo atque interdiciamus, ne quis Regularis ex vna Prouincia ad aliam Prouinciam ſui ordinis tranſeundo; etiam in itinere, intra aliquod Monafterium, domum vel locum alterius Prouincie ad habitandum, vel tanquam hoſpes recipi, aut ad modicum tempus diuertere poſſit, niſi à Superiore eius loci vbi reſidet, expreſſam licentiam diſcedendi in ſcriptis obtentam, ſeu literas obedientie vel commendatitias ſecum deferat, atq; exhibeat, vel niſi ita cegnitus ſit ijs, ad quos diuerterit, vt de eius perſona, nullus omnino dubitationi, aut ſuſpicioni locus relinquatur. Ideoque præcipimus vniuerſis, & ſingulis locorum Ordinarijs, eorumque Vicarijs in ſpiritualibus generalibus, vt per ſuos Officiales, Miniſtros, vel executores curent ab omnibus perſonis regulari habitu indutis, quas per ſuas Ciuitates vel diœceſes iter facere, vel tranſire, & ad quæcunq; Hoſpitiā, vel diuerſoria ſe recipere contigerit, diligenter perquiri, num huiusmodi literas obedientie, ſeu commendatitias ſecum deferat, quod ſi eos dictas literas non habere, vel ignotos eſſe deprehenderint, poſſint contra ipſos etiam, tanquam dictorum criminum ſuſpectos procedere, & tamdiu illos ſub cuſtodia detinere, donec certa de eiſdem notiſia habeatur. Et tamen volumus, vt, ij qui etiam pietatis vel hoſpitalitatis prætextu, regulares alterius Prouincie ignotos, aut ſine licentia vel litteris vt ſupra receperint, dictas pœnas priuationis vocis actiue & paſſiue, nec non officiorum, graduum, honorum & dignitatum obtentorum, atq; inhabilitatis perpetue pariter incurrant. Decernentes ſic in præmiſſis omnibus per quoſcunq; iudicari debere. Necnon irritum & inane, ſi ſecus à quoquam quauis auctoritate ſcienſer vel ignoſanter contigerit attentari.

2. Corint.  
II.

QVO.

QVO CIRCA Venerabilibus fratribus nostris S. R. E. Cardinalibus dictorum ordinum, Congregationum, Hospitalium, & locorum Regularium apud nos, & Sedem Apostolicam protectores, nunc & pro tempore existentes, ac locorum ordinarij præfatis, per Apostolica scripta mandamus, vt eorum vnusquisque, per se, vel alium, seu alios, Cardinales quidem in sue protectionis, ordinarij verò in suarum Ciuitatum, diocesum, & districtuum regularibus locis, curent præsentis litteras publicari, easq; perpetuò firmiter, & inuiolatè obseruari, Inobedientes, ceasuras & penas prædictas in currisse declarando, illasq; etiam iteratis vicibus aggrauando, Inuocato etiam si opus fuerit, auxilio brachij secularis.

Non obstantibus constitutionibus, & ordinationibus Apostolicis, necnon quorumcunque ordinum, Congregationum, Hospitalium, & Religionum iuramento, confirmatione Apostolica, vel quauis firmitate alia roboratis statutis, & consuetudinibus, priuilegijs quoq; indultis, & litteris Apostolicis quorumcunque tenoribus existant, per quas præsentibus non expressa, vel totaliter non inserta effectus præsentis Constitutionis impediri valeat quomodolibet vel differri, & de quibus quorumq; totis tenoribus habenda sit in his litteris mentio specialis. Quæ omnia quatenus eidem constitutioni in aliquo aduerferentur, illorù tenores pro expressis habentes, perpetuò tollimus, annullamus & abrogamus, ac nolumus cuiquam suffragari, aut si Superioribus, & personis dictorum Ordinù, Congregationum, Hospitalium cõmuniter, vel diuisim ab Apostolica sit Sede indultù, quod interdici, suspendi, vel excommunicari nõ possint per litteras Apostolicas, nõ facientes plenam, & expressam, ac de verbo ad verbum de indulto huiusmodi mentionem.

MANDAMVS verò easdem præsentis ad valuas Basilicæ Principis Apostolorù de Vrbe, ac Cancellariæ Apostolicæ de more publicari, & affigi, illarumq; exemplis etiam impressis, Prælati Ecclesiastici sigillo, & Notarij publici subscriptione munitis, eandem fidem in iudicio, & extra illud haberi, quæ eisdem originalibus haberetur, si essent exhibitæ, vel ostensæ. Nulli ergo omnino hominum liceat hanc paginam nostrorum interdictionum, prohibitionum, statutorum, ordinationum, declarationum, decretorum, voluntatum, permissionis, irrationis, annulationis, iusionis, priuationis, præcepti, sublationis, abrogationis, & mandatorum infringere, vel ei ausu temerario contraire. Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum eius se nouerit incursurum. Dat. Romæ apud Sanctum Petrum, Anno Incarnationis Dominicæ, Millesimo quingentesimo octuagesimo septimo, sexto Cal. Decemb. Pontificatus nostri anno Tertio.

*Hipp. Card. Aldobr. pro Dat.*

*Tho. Thom. Gualterutius.*

Registrata apud eundem Thomam Secretarium.

A. de Alexijs.

Anno à Natiuitate Domini, Millesimo quingentesimo octuagesimo septimo, Indictione decima quinta, die vero Veneris Vigesima septima Mensis Nouembrii, Pontif. Sancti Petri in Christo Paris, & D. N. D. Sixti diuina prouidentia Papa. V. Anno eius tertio: Retroscripta litteræ Apostolica affixæ, lectæ & publicatæ fuerunt, in valuis seu portis S. Ioannis Lateranen. & S. Petri Principis Apostolorum de Vrbe, necnon Cancellariæ Apostolicæ & acie Campi Floræ, & per aliquot temporis spatium dimissæ, per Nos Io. Baptistam Bagni, & Octavianum Tagliettum S. D. N. PP. Curf.

Alex. Parabiachus Mag. Curforum.